

Sanhgyangh: Cingzngeih Biengenj Raeuj Mbanjmyauz

Vaiqbanj gangj banggunz、sing fwen haenh aencingz aendangj, gwnz lanzgiuzcangz Mbanjcinzdung sing riu sing angq. 12 nyied 2 hauh, Guekgya Yizminz Gvanlijigiz Sanghaij Biengenj Cungcamh caeuq Sanhgyangh Dungcuz Swciyen Fuluz Myauzcuz Yangh Mbanjcinzdung itheij banh aen hozdung “duet mauh gungz engq roengzrengz, gangj vwnzmingz bang hwngfat” ndeu. Gyoengqvunz ciengq gij gohoengz、daj vaiqbanj caeuq guh gij yindung mizyinx haenx, hawj vunzmbanj soengq bae dong ngaiz vwnzva banggunz ndei raeuh ndeu, coenghrengz lajmbanj ndaej hwngfat. Linghvaih, Guekgya Yizminz Gvanlijigiz Sanghaij Biengenj Cungcamh lij gien 1081 geu buhbwn dij 50 lai fanh maenz hawj gij hagseng siujyoz Mbanjcinzdung、Mbanjcinyaz、Mbanjlungzfw.

(Gunj Yicungh/漆亿忠)

► Gyoengqvunz daj vaiqbanj ma lwnhgangj hong banggunz.



Vwnzva Lijyouz Huznanz Gvangjsih Ranz Vunz Ndeu

12 nyied 1 hauh, “Huznanz Gvangjsih song dieg cingz, vwnzva lijyouz ranz vunz ndeu” bi 2020 aen gunghcwngz fwncin Huznanz Swngj vwnzva lijyouz gagnyienh fuzvu baenzroix hozdung byaij haeuj Gvangjsih youq Yungzsuij Myauzcuz Swciyen gawjbanh. Mbat hozdung neix gungh guh sam ngoenz, cawj-daeuz langhbaij saw veh ingjsiengq、son’gyauq sij cihsaw veh mbawveh、biujyienj cezmuz vwnzyi daengj. Gyoengq yisuzgyah lij bae laeng Yungzsuij Minzcuz Gauhcungh、Siujyoz Ranzmyauz Siujcin daengj hagdangz banh yinhyoz gyangico、diuqfoux、heiqgangjciengq daengj.

(Liu Swjyenh/廖子渊)



▲ Youq Aenvenz Gvangjczangz Yungzsuij biujyienj cezmuz.

Fuconh Laebbaenz Daihit Aen “Ranz Minzcuz”

12 nyied 4 hauh, Fuconh Yauzcuz Swciyen Fuyangz Cin Lizcinh Segih banh aen yizsiz biengi baiz “ranz minzcuz”. Neix dwg yienh neix daih’ it aen “ranz minzcuz” laebbaenz venj baiz. Gyoengqvunz gak aen minzcuz dangdieg ndaej youq gizneix yawj saw yawj bauq、banh hozdung vwnzva guh’angq、dingq vunz lwnhgangj cwngecwz minzcuz daengj. Laebbaenz aen “ranz minzcuz” neix ndaej mboujduenh gyalag gij cingzngeih gak aen minzcuz, hix ndaej gietcomz gij rengz maenh “hwnqguh aen Fuconh gyaundeideu, caez saedyienh loqsiengj Cungguek”, vih gij saehnieb minzcuz doxgiet baenaj cauh aen seiqdaez moq ndeu.

(Lij Cinlingz Lij Sezyiz/李俊玲 李雪仪)

Fapguek Lwnhgangj Haeuj Gihcwngz



▲ Boux guhhong fat swhliu hawj gyoengqvunz

12 nyied 4 hauh, Gveilinz Si Fazyozvei、Banhohroen, Cwngefazveij、Fazyozvei Lungzswng Gak Cuz Swciyen caeuq Lungzciz Cin youq Lungzswng Minzcuz Gvangjczangz itheij banh aen hozdung lwnhgangj vwnzva fapceih haeuj gihcwngz ndeu. Gyoengqde fat swhliu、baij aendaiz cam fap、ciengqgo diuqfoux daengj bae lwnhgangj gij cingsaenz Daih Cibgouj Gaiq Haj Cung Cienzhohi aendangj、fapguek daengj. Gyalai gij eiqsik faplwd caeuq fapceih gunghminz, hawj daengx biengz cung gag rox hag fap、souj fap、yungh fap.

(Vuz Swnghbinh Liengz Funghvaz/吴生斌 梁峰华)